

Шайх Муҳаммад Содиқ Муҳаммад Юсуфга бағишлаб



16:15 / 15.04.2020 2137

Устундан айрилди Ислом минори,
Кулаб тушди диннинг фақих чинори.
Энди армон унинг нурли дийдори,
Юраклар йиғлайди, кетди таассуф,
Шайх Муҳаммад Содиқ Муҳаммад Юсуф.
Қуриб колди улкан илм уммони,
Юлдузин йўқотди Ислом осмони.
Ёнига чорлади уни Раҳмони,
Дерди: Аллоҳ қилар барин тасарруф
Шайх Муҳаммад Содиқ Муҳаммад Юсуф.
Қуръонга тафсир-у Хадисларга шарҳ,
Ёзмиш олим эди бебаҳо бенарҳ.

Раҳмат денгизига Аллоҳ қилсин ғарқ
Кетди умри эди Ислом, тасаввуф
Шайх Муҳаммад Содиқ Муҳаммад Юсуф.
Пайғамбар Муҳаммад Алайҳиссалом-
Хазратга жаннатда шафоат инъом-
Айласин!-

Ичирсин Кавсар бардавом
Тилагим шу маним эмас такаллуф
Шайх Муҳаммад Содиқ Муҳаммад Юсуф.
Илм хазинасин унда кўплиги-
Боисдан тузалди халқ қалб кўрлиги
Шайх учун кенгайсин Сирот кўприги
Кўзларда жиққа ёш қалбларда андух
Шайх Муҳаммад Содиқ Муҳаммад Юсуф.
Олимнинг ортидан ибрат қолгандир,
Аллоҳ пок кўнглига бир нур солгандир.
Қалбимнинг тўридан ўрин олгандир,
Ўрнин босмас минг бир қори, файласуф,
Шайх Муҳаммад Содиқ Муҳаммад Юсуф.

Абдурахмон Мешаян